

مُشَاطِقَاتُ

۱۳۲۶

درسمادنده یکی پوسخانه قارشوسنده
آثره مخصوصه در

درسمادنده موافق آثار جدید مع المنزله قول اولی
درج ابیلدن آثار اعاده اولی

دین، فلسفه، ادبیات، حقوق و علوم دین باحث هفته لق رساله در

درسمادنده نسخه سی ۵۰ باره در

قبریلدن مقوا بورو ایله کوندریلیرسه سنوی
۲۰ غروش فضلہ آلتیر.

درسمادنده پوسته ایله کوندریلیرسه ولایات بدلی اخذ اولنور.

تاریخ تاسیسی:

۱۱ خمر ۳۲۴

مؤسسلری: ابوالعلا زین العابدین - ح. اشرف ادیب

سنه لکی القایانی

۳۵ ۶۵

۵۰ ۹۰

غروشدر

درسمادنده

ولایاتده

ممالک اجنبیهده

برنجی سنه

۲۲۶ ذی الحجه ۲۱ پنجشنبه ۱ کانون ثانی ۳۲۴

عدد: ۲۱

نَجَاطُ قَرَانِیَّة

سورة انفال: آیت - ۶۳، ۶۲

«واعدوا لهم ما استطعتم من قوة ومن رباط الخيل ترهبون به عدو الله وعدوكم وآخرين من دونهم لاتعلمونهم الله يعلمهم وما تنفقوا من شيء في سبيل الله يوف اليكم واتم لاتظلمون. وان جنحوا للسلم فاجنح لها وتوكل على الله انه هو السميع العليم».

[دشمنك تجاوزهينه ميدان برافماق ایچون آنی ترهیب ایدیچك قوت نه ایسه حاضر ومهیا بولندیرمغه نهات درجه بدل جهد ومقدرت ایدلسنی جناب حق امر ایدوب بیوریورکه] آنلر ایچون قوتدن ورباط الخیلدن مقتدر اولدیغیکزی حاضر لایك، [اسلحه، تجهيزات مهماتدن وبالحاقه حرب ایچون بسیله نوب تربیه ایداش آنلردن حربده قوت حصولنه سبب اوله جق هر نه واریسه بولنری دشمنلریکزی ایچون قدرتکزی تشدیکی قدر حاضر و آماده بولندیرك] که بونك ایله [حربیه حاضر و آماده بولنمکزی ایله] اللهك وسرك دشمنلریکزی وسرك بیلیوب ده الله تعالی نك بیلیدیکی دهسا دیکرلرینی [دیکر خفی دشمنلریکزی] ترهیب ایدرسکزی، [دشمن سرك قوتکزی وحربه آماده ومهیا بولندیغیکزی کورنجه بلادکزه تجاوز وتعدییه ودوست کورون منافقین فتن وفساد ایقاعنه جرأیاب اوله مازلر. بوندن ده سرك ایچون پك چوق منافع وفوائد حصوله کلور. بلادکزه صاحب اولورسکزی. بلادکزی معمر و آبادان اولور. اگر دشمنی ترهیب ایده جك صورته حربیه حاضر و آماده بولمازسه کزی دشمن دیارکزه طمع ایدر. سزی ایچندن سوروب چیقارر. جانکزی، مالکزی، ناموسکزی آیالر آلتنده قالور. بونکچوندركه

حاضر اول جنگه اگر ایسترایسك صلح وصلاح

دینلشدر. بونکچوندركه قوتلی بر اردو صلح ومسالمك اك ای برکفیلدر. دینلشدر. بونکچوندركه هر دولت قوه بریه وبجریه سنك هر کون عصره کوره تنسیق وتزیدینه چالشقهده در. بیوک بر دولك بحریه نظارینه: اقصادی شرق مسئله سیچون بحریه جه تدارکات واردر، دینیله یور. بو صحیح می دیه صورلمش ده دیمش که تدارکات یوق، فقط دولت هر وقت حربیه حاضر ومهیا در. سزی فی سبیل الله هر نه انفاق ایدرسه کزی، [لاسیا تجهيزات حربیه ایچون نه اعانه ده بولنورسه کزی] آنك مکافاتی سزه تماماً ایفا اولنور، [تضییع عمل ویا نقص ثواب ایله قطعا] ظلم دیده اولمازسکزی. اگر آنلر [سرك قوتکزی وحربه مهیا بر حالده بولندیغیکزی کوروب ده] صلح وسلمه میل ایدرلرسه سن ده مائل مسالمت اول وجناب حقه توکل ایت، [صلح خصوصنده کی خده خفیه لرندن قورقه.] جناب حق سمیع در، [آنلرک کزلی کزلی سو. یلشدکلری خده کارانه سوزلری ایشیدر.] علیم در، [مضمرات تلید لرینه واقفدر.] آنلره لائق اولدقلری معامله یی ایدر. ومکر وخدعه لرینی کندی بیولرینه کچورر.]

بونظم جلیل، هر عصرده قوای حربیه نك او عصرک ترقیات حربیه سنه کوره تنسیق وتنظیم ایدلسنی لزومنه ارشاد ایدر تعلیم الهی در. زیرا ترقیات عصریه ده موافق اولمیان تجهيزات حربیه ایله دشمنك ترهیب ایدیله میه جکی آشکاردر.

فمال وزنده اولان کلمات بعضاً مفعول معناسنی افاده ایدر: ملبوس مضامنه کلن لباس کی. ایشته «ومن رباط الخيل» قول شریفده واقع [رباط] کلمه سی ده بمعنی المفعول اولوب خيله اضافتی دخی صفك موصوفه اضافتی قبیلندن اولمغله [خیل مربوطه] تقدیرنده بولنمی

و حرب ایچون بسیله ن آتلا مناسنه مصطلح اولمشدر . رباط الخیل
قوة حربیه جله سندن ایکن آریجه ذکر بیوراسی دیگر قوای حربیه
آره سنده سواریلکک یکاه مزیتی بولندیغه اشارت ایچوندر .

جنگ و وعا ایچون آت بسیله نك پك بیوك اجر و ثوابی واردر .
مرویدر که بر آدم ابن سیرین رحمه الله حضرتلرینه مراجعت ایله فلان
کیسه ثلث مانی حصون و قلاع ایچون وصیت ایتدی ، نه کونا معامله
ایده لم دیه صورمشده ابن سیرین دیمش که انکله آتلا صاتون آلنسون ده
غزاده اوزرلرینه بئلك اوزره فی سبیل الله طویلله باغلانسون . او آدم :
وصیت حصون ایچوندر ، دیوب بوسوزله مال و صاهی محلك غیرییه
صرف ایتک نصل اوله بیلور ، معناسی ایما ایدنجه ابن سیرین جواب
ویرمش که حصون و قلاع صفوف خیولدر . شاعرك شو سوزینی
ایشتدکی ؟ :
انتهی

إِنَّ الْخِصُونَ الْخِیْلُ لَا مَدْرَ الْقَرْیَ

علیه الصلاة والسلام افندمن آت بسیله مک تحریض یوانده « من
قدر علی ثمن دابة فلیشترها فانها تأتیه برزقها و تعینه علی رزقه »
بیورمشدر . کیم که بردابه ثمنه مالک اولورسه دابه اشترا ایلسون . زیرا
دابه کندی رزقی صاحبنه کتوردیکی کبی صاحبک رزقنده یاردم
ایدز ، دیمکدر . دیگر بر حدیث شریفده ده « الخیل معقود بنواصیها الخیر
الی یوم القیمة » واردر اولمشدر که آتک ناعیه لرنده یوم قیامته قدر خیر
معقوددر ، مال شریفنده در

« فاجنح لها » قول شریفنده صاحب کشف شویله دیور : [بو آتک
« قاتلوا الذین لا یؤمنون بالله » نظم جلیلی ایله منسوخ اولدینی ابن عباس
رضی الله عنهما حضرتلرندن ، « فاقتلوا المشرکین حیت وجدتموهم »
امریله منسوخ بولندیغی دخی امام مجاهدندن مروی ایهده طوغریسی
بودر که حرب و سلم امام المسلمینک رأینه منوطادر . بوایکی حالدن قنفسنده
اسلام و اهل اسلامک صلاحی کوررسه آتی ایشلر ، یوقسه اهل اسلامک
الی الابد محارب بولنسی و یا خود دشمنک طلب صلحه الی الابد اجابت
ایلسی متحتم دکلدز] .
انتهی

**

دین اسلام علیه معترضلر طرفندن آتیلان سهام اعتراضاتدن
بری ده حرب و جهاددر . کویا اسلامیت علم انسانیتی ایکییه بولوب
هردم سلاح بدست خصومت اوله رق غیر مسلملر اوزرینه هجوم ایلدنی
مسلمانلره امر ایدیور ایش . وقائع سالفه و حاضره کوز اوکنه کتور .
یلورسه بونک شععه اسلامیه قارشو غیظ و حسدندن فوران ایش
برخده و دسیسه دن بشقه بر ماهیت جدیدی حائز اولدینی کندی
کندینه اکلایلور . بواعتراضلر اکثریت ایله یا بلاد اسلامیه دن برینه
بر هجوم ترتیب ایلدیکی و یا خود خصم طرفندن اسلامه تعرض
اولوب ده نائل آمال اولنه مدینی زمان ظهور ایدر . حالبوکه معالی
اسلامه واقف اولانلرجه معلوم اولدینی اوزره مقاصد اسلامیه اوج
شیئه راجعدر . اود : توحید ، عظم ، احکامدر . اولاناسی توحید

باری دعوت ایدر . شرف ادرانک ایله ممتاز یارادیش بر مخلوقک خالق
تعالی و تقدس حضرتلرینی بیلماسی بیوک بر تقیصه اولدیغندن توحید
باری بر مهاج عرفان و سعادتدر . ثانیاً فضائل اخلاقیه جمعیت بشریه
ایچون روابط ضروریه دن اولمغه ببولده و عظمتد کیره هر دم احتیاج
واردر . « پداغوجی » دینلن علم تربیه بوکون بلاد مهمه نك دارالفنو-
نلرنده ، دارالمعلینلرنده تدریس اولنیور . ثالثاً معاملات و معاوضاتی حقوق
خصوصیه و حقوق عمومی نك احکامی بیلدیر مک ایچون دنیانک هر طرفده
مدارس عالیه کشاده اولمشدر . بتون بشریت ایچون مجمل اولسی
لازم کلن شو اوج مقصدک ظهورینه مخالفین طرفندن بالفعل
ممانعت وقوعه کلدنجه اهل اسلام اعلان حرب ایتماشلردر . زمان
سعادتده اهل اسلام ، شرکین طرفندن شعب ابی طالبده سنه لرحه محصور
ایدلایلر . سب ایله ، ضرب ایله ، قتل ایله کونا کون اذا و جفالره دوچار
اولدیلر . دیار و وطنلرندن سوریلوب چیقارلدیلر . بوکاده قناعت اولندی ،
هجرت ایتدکلی برلرده ده عین حاللر تکرر ایدرک کیجه کوندوز
بی حضور و بی آرام قالدیلر . بونک اوزرینه حرب و جهاد امر ایلندی .
فقط حرب جهاد تعذیب عباد و تخریب بلاد اولوب کندیسنده بر
حسن ذاتی اولدیغندن و حرب و جهادک ، مشروعیتی انجق الجای مصلحت
و ضرورته مبنی بولندیغندن بورالری اوامر و تعلیمات مخصوصه ایله
تلقین اولدینی کبی اهل اسلامک حربیه مهیا بر حالده بولندقلربی مخالفین
کوردنجه بلاد مسلمینه هجوم و تعرضه جرأیاب اوله ییه جقلربی و بو
سایده اعزاز کلمه الله العلیا ایدیلجه ککی و حربیه لزوم تحقق ایلدیکی
زمانده ده حدک تجاوز ایدلماشنی ، قادینلر ، چو جقلر اختیارلر ، راهلر ،
اهل صومعه ، خسته لر کبی اهل قتال اولمیانلره تعرض اولنماشنی ، اسرایه
حسن معامله ایلدنی ناطق نیجه اوامر دخی شرف وارد اولدقدن
بشقه سورة تمخنده واقع شو ایکی آیت کریمه ده اهل اسلامه اسلام
اولدقلری ایچون محاربه ایدوب انلری دیار و وطنلرندن چیقارانلروانلره
معاونت ایدنلرایله محاربه اولنشی و محارب اولمیانلره بالعکس عدل و احسان ،
رفق و نوازش ایله معامله ایلدنی امر بیورمشدر . او ایکی آیت شودر :
« لاینهیکم الله عن الذین لم یقاتلوکم فی الدین ولم یخرجوکم من دیارکم
ان تبروهم و تقسطوا الیه ان الله یحب المقسطین . انما ینهیکم الله عن الذین
قاتلوکم فی الدین و اخرجوکم من دیارکم و ظاهروا علی اخراجکم ان تولوهم
ومن یتولهم فاولئک هم الظالمون »

مألمنی : او کیسه لرکه دینکزدن طولایی سزکله ، قتاله و سزی
دیارکزدن اخراج ایتزلر ، انلره بر واحساندن و حقارنده عدل ایله
معامله دن جناب حق سزی منع ایتز ، جناب حق عادلری سور ،
انلردن خشنود و راضی اولور . اما اول کیسه لرکه دینکزدن سزکله قتال
ایدوب سزی دیارکزدن چیقارلر و چیقارمغه یاردم ایدلر ، ایشته
انجق بوللری دوست اتخاذا تمکدن الله تعالی سزی منع ایدر ، بو
مقوله لری هر کیم دوست اتخاذا ایدرسه [دوستلقلربی محلك غیرییه
صرف ایلدکلی ایچون کندی تفسلرینه] ظلم ایدرلر .
قرون و سبطاده دول غریبه اره سنده ، مذهب نامنه بونجه قاتلر

ترید ایچون کارکا هره سپارش ویردکری چوق کره روایت ایدلدی.
قوی الشکیه بردولته کوره دنیه بر در ناک اراخیسنه، بچاره بر قومک
دیارینه استیلا ایچون بهانه لر ایجاد ایتک قدر سهل و آسان برشی یوقدر.
خلاصه هر بار کرفتار انواع محن و اکدار بولنان انسانلر آره سندن
مصائب حربیه نك قالدیرلمی و هیچ اولمازسه تخفیف شداندی ایچون
چاره لر تحریسی طرفداران انسانیتک الطاف مجله سندن تنی اولندیغی
کبی سعادتی مرحومک بین البشر برقاءله جاودانی یی مصور بولنان
شو بیتنی ده بوراده بالخاصه شایان ذکر کوریرم :

ملک اقلیمی بکیرد پاشاه

همچنان دربند اقلیمی دکر

برکت زاده اسماعیل مفی

فلسفه امریه :

اثبات واجب

۲

مسلك امکان اوزرینه اثبات واجب

بو عالمده هر شی متأثردر. تأثردن خالی هیچ برشی یوقدر. هر
متأثرک بر مؤثره احتیاجی ایسه درکاردر. بناء علیه بو عالمک دخی بر
مؤثره احتیاجی درکار اولوب بو مؤثر ایسه واجب الوجوددر.
یعنی سلسله موجوداتک همه حال بر واجب الوجوده انتهایی
ضروریدر. زیرا بو سلسله مکوناتک مؤثر حقیقیسنده ایکی احتمال
عقلی جریان ایدر.

برنجی احتمال بونک، بو مؤثرک واجب الوجود اولمیدر. ایکنجی
احتمال ممکن الوجود اولمیدر. اوچنجی بر احتمال دها یوقدر. چونکه
بو اوچنجی احتمال اولسه اولسه بو مؤثرک ممتنع الوجود اولمی اولور.
حالوکه ممتنع الوجود اولان بر شیئک عدمی کندی مقتضای ماهیتی
اولدیغندن بختی ایه مؤثر عالم حقنده بولندیغندن بونک ممتنع الوجود
اولسنده امکان یوقدر. زیرا بر شیئک اولان کندیسی موجود اولدقجه
دیگر بر شیده اجرای تأثیر ایدیه چکی اصلاً تصور اولنه من. شو حالده
مؤثر عالم حقنده کی احتمال عقلی ایکی به منحصر اولق لازم کلیر.

بو ایکی احتمالدن ایکنجیسی - یعنی عالمک مؤثر حقیقیسی ممکن
الوجود اولق احتمالی - باطلدر. زیرا مؤثر عالمک ممکن الوجود
اولدیغنی فرض ایتسهک بو، اوچ شیدن خالی دکدر. بو مؤثر ۱- یا
مجموع عالمدر. یعنی مجموع عالمده مؤثر اولان ینه کندیسیدر. ۲- یا خود
اجزای عالمدن بریسیدر. ۳- یا خود سلسله کائناتک الی غیرالهایه
یکدیگرینک علت و معلولیتیدر.

مجموع عالمک مؤثری مجموع عالم اوله ماز، زیرا بر شیئک نفسنه
علتی تصور ایدیه من.

اجزای عالمدن برینک مجموع عالمده مؤثر اولمی دخی اوله ماز. زیرا بو
تقدیرده بر شیئک نفسنه علت اولمی لازم کلیر. چونکه فرض
ایتدیگمیز جز نك مجموع عالمه علت اولمی اجزای عالمدن هر برینه علت اولمیله

دوگلیش وعصر مزده دخی تحدث ایدن بر چوق اختلافات سببیه
نیجه محاربات ظهور ایتدکدن ماعدا محضاً ضمیمه ممالک ایتک اوزره
وسطی آسیایه، هند و چین طرفلرینه، آفریقانک اکثر جواتنه متوالیاً
تجاوز اولنهرق ایجاد ایدیلن بهانه لر ایله یوقدر اقوام و قبائلک خون
مظلومانلری اراقه ایدلمکده و بونلرک سماوانه عروج ایدن آه و فریادلرینه
قطعا حواله سمع انصاف ورقت اولنماقده ایکن حقوق مشروعده سی
مدافعه ایچون ساثر اقوام کبی هر دم مسلح بولنان اسلامیه یوبولده
تعریض ایتکه حیا اولملیدر.

ملاحظه

محاربه داهیة دیدار، بونک منع وقوعی ایچون هرشی یاپیلملی
وقفط تجاوزات ملحوظه قارشو هر دم حاضر و ممیا بولنلیدر، چونکه
سفک دماء طینت بشرده مندمج بولندیغندن بو مخلوق غربیب پایدار
اولدقجه روی زمیندن سفک دماء، جنک و وغا بالکلیه زائل اولماز.
من لدن آدم الی یومنا هذا مسموع ومشهود اولان بونجه وقائع خونریزانه
بوکا شهادت ایدر. فی الواقع تأسیس اولنان حقوق بین الامم قواعدیه
محارباتک اوکی آلفغه صرف همت ایدلش و حرب ایچون اسباب مشروعده
کوسترلش ایسه ده منافع دول صرف مادی اولیوب بو آرده تجدید
وتعیینی غایتله مشکل بر چوق منافع معنویه بولندیغندن حربک اسباب
مشروعده سی تقدیر وتعیین ممکن اوله ماقبله برابر استحصال موازنه دول
مقصدیه آچیلان بر چوق محاربات دخی مقاصد مخصوصده مستند
بولندیغنی اخیراً اکلاشیلهرق دیگر محاربه لرک ظهورینه باعث اولمشدر.
مثلاً اون النجی عصر اواسطنده آوستریا دولتک فوق العاده توسعی ساثر
اوروپا دولترینک استقلالنی تهدید ایلدی اوزرینه دولت مشارالیهانک
بوجهانکیرکک تشبثانه قارشو علیه اعلان حرب ایله انی دول ساثره یی
تهدید ایدیه میه چک بر حاله کتور مشلرایکن موازنه دولیه نك استحصال ایچون
محاربه ایدنلرک باشلوجه سی اولان فرانسه دولتی آوستریانک کسب ضعف
ایلسیله کندیسی جهانکیرکک داعیه سنه دوشدیکندن ینه عظیم محاربه لر
آچلمشدر.

برده [صلیبک کیردیکی بره هلال کیره من، اما هلالک کیردیکی بره
صلیب کیره بیلور] سوزینک دخی مسائل حقوق بین الامم قدر غریبون
آره سنده معتبر و مصرعی اولسنه کوره نمایان اولیورکه بونک قواعدندن
استفاده خصوصنده اسمی قدر شمول یوقدر.

کویا صلح عمومینک محافظه وادامه سی مقصدیه بین الدول مجلس
حکم دخی عقد ایدلشیکن ینه روی ارضک نیجه یرلرنده دفعاتله طوفان
دم ظهوره کلدی. هرایکی دولت آره سنده محاربه ظهورنده دول باقیه نك
هیئت مجموعده سی بوایکی متخاصمی مجلس حکمه دعوت ایله حربک اوکی
آلملری درجه استمهاله ده دکل کبی کورینور ایکن هر دوات موقعی،
آتیسنی، منفعتی ملاحظه ایله بوکی احوالده قارشودن سیرجی اولدی
و بلکه سائقه منفعت ایله متخاصمیدن بر طرفنی خفياً تأیید ایدنلر بیه
بولدی. تجدید اسلحه خصوصی مذاکره اولتمق اوزره مجالس مکالمات کشاد
اولندیغنی حالده بری طرفدن اکثر دول معظمه نك تجهیزات بریه و بحریه سی